

Te Heheuraa Api

E ITE IĀ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIĪHIA I PAPEESTE, TAHITI, I TE MAU AVA'E ATOA

Te hoo: E 30 farane i te matahiti.

Nº 4

-- EPER 1951 --

MAT. 38.

Tei Titauhia, e Roaa Mai ia.

TE na ô maira te Fatu e, *E imi, e itea iā ia ou-*
ton.

I te anotau tahito ra te ora ra te hoē arii. E oto rahi roa to'na no te mea e, te vai noa ra te feii e te parau ino i roto i te aau o te mau taata i tavanahia e ana ra.

I te mau mahana atoa ra, te hāere noa maira taua mau taata ia'na ra ma te parau pari-ino te tahi i te tahi.

E tae noa'tu i te hoē ra mahana, tono ihora te arii ra i te hoē tavini no'na ra e haaputuputu mai i te tahi mau taata paari, e na ratou e tanturu ia'na ia imi i te hoē ravea e faa-orehia'i taua ohipa-ino ra.

Parau maira te hoē o taua mau taata paari ra, "A tairi na i tei parau ino ra." Na ô maira te tahi taata paari "A huri ia ratou i rapae i to oe na hiti fenua ra". Tae mai ihora râ te tahi taata paari ruau roa ra, e rouru nouo roa to'na ra, na ô maira oia i te arii, "E tau arii e, ia ora na oe e a muri noa'tu. Inaba, to oe mau taata ra, hoē â ia to ratou huru i to te tahi mau tamarii ino'ra. E feii te vai nei i roto i to ratou ra mau aau, e feii to ratou, te tahi i te tahi, e no reira te imi noa nei ratou i te mau parau ino, te tahi i te ta-

I te fenua Samoa te haere noa nei te ohipa no te faatiaraa i te fare haapiiraa ta te Ekalesia a Iesu Mesia no te Feia Mo'a no te Mau Mahana Hopea Nei e faatupu nei i reira. Ua topahia taua fare haapiira i te i'oa ra o Pesega. No te reira ua tupu te parau maitai, i rotopu i te mau taata mao-hi o taua fenua ra e te mau faatere Hau atoa hoi.

I roto i taua Misioni ra, i teie nei, e tia noa i te mau Orometua ia aparau atu i te Peretiteni Misioni na roto i te niuniu paraparau radio.

I te oire ra i Oslo, Norue, ua rave te mau Orometua tei poro-haere i te Evanelia i reira, i te ohipa pereraa basketball ei tauturu no ratou ra. A tahi ra te basketball i hautihia'i i te fenua te hitihia e te mahana i te hora 12 i te po ra. Ua anaanatae te taata i te iteraa i te reira e ua rave rahi te mau pupu tei faatihia, i taua fenua ra, i teie nei.

I te fenua Argentina, America Apatoa, ua roaa te rê, no te ohipa ou'araa, i te hoê Orometua no te Ekalesia nei, o Calvin Clark to'na ra i'oa. Teie te parau tei papaihia no'na i roto i te ve'a no te ohipa sport a te Hau, te "El Mundo":

"Ua vai noa te rê, no te ou'araa, no na matahiti 18 ra, noa'tu ra i te reira maoro ua hemo te reira i teie nei. Ua tapeahia taua rê ra e Valerio Valanico tei afai i te reira i te faito ra e 1 metera e e 91 tenetimetara. Ua tae mai te tamaiti aito, no America Apatoerau ra, o Calvin Clark, e Orometua Momoni hoi, tei tupai i te reira rê tahito ma te ou'a 1 metera e e 95 tenetimetara. I teie nei ua tuu oia i to'na i'oa i roto i te pupu Athlete Federation.

I te pae o te hitiaa o te ra ua opanihia te Misioni no te Ekalesia a Iesu Mesia no te Feia Mo'a no te Mau Mahana Hopea Nei tei i te mau fenua Suria e Lebanona, no te mau peapea te tupu nei i reira. Ua faataahia te mau Orometua tei rave i te ohipa i reira, ia haere atu ratou i roto i te tahi atu â mau Misioni, oia hoi, i te mau Misioni i Baratane, i Farani, i Holane, i Purutia i te tooa o te râ e i Suiiti-Autria.

Aita te avion, tei parauhia e tae mai te 7 no teie ava'e, i tae mai.

Te haere noa nei, te tahi mau taeae no te Amaa no Papeete nei, i Pueu i te mau mahana maa atoa no te tautururaa i te ohipa a te Ekalesia i reira.

Te faaitoitoe nei to tatou pupu Basketball, i Papeete nei, no te faaineine-raa ia ratou no te tatauraa rahi te haamatahia i te 13 no Eperera i mua nei. Ua titauhia o Tihati Orometua, no Mataiea, ia haere mai no te haapii ia ratou.

Te rave nei o Tu â Menemene raua o Bernard Laresona, Orometua, i te ohipa i Mataiea e i Paea atoa hoi.

hi. Aore anei e nehenehe ia oe ia faaite atu ia ratou i te hūru hupehupe o ta ratou ra mau ohipa ino? Mai te mea e oti ia oe te reira, e riro paha ia e, e tatarahapa ratou".

Mauruuru roa ihora te arii i taua mau parau paari ra faaue ihora oia ia haaputuputubia mai te mau taata atoa, mai te mau vahi atoa mai o to'na ra fenua.

Na ô atura oia i taua mau feia ra, "E homa, te tono atu nei au i na tavini toopiti nei ia rave i te hoê ohipa maitai na'u. A hi'o outou atoa ia raua i te haamataraa i to raua tereraa ra, e ia hoi mai raua mai to raua tereraa ra, e haaputupu faahou mai tatou, e na raua e faaite mai i te hūro ta raua ohipa i rave ra.

Pii ihora oia ia haere mai te tavini matamua e ua ô atura ia'na, "A haere na oe, na nia i to puaahorofenua, e faaati i na otia e maha o te fenua nei. E hi'opoa maitai e e mataitai oe i te mau vahi tiare atoa o te fenua nei, e e faahoi mai oe ia'u nei i te tiare tei hau i te nehenehe. A haere viti-viti oe na te purumu atan".

Reva'tura te tavini matamua ra e faaroohia ihora te maniania o te avae o to'na puaahorofenua i nia i te purumu.

Pii faahou atura te arii ra, "A haere mai na e te piti o te tavini". Tuturi ihora te tavini piti i mua i te aro o te arii ra, e ua na ô atura te Arii ia'na. "A haere atoa na oe, e to puaahorofenua hoi, e faaati atoa i te fenua nei a hi'opoa maitai oe, a mataitai e a imi haere na oe i te mau vahi aihere atoa ra, e na oe e faahoi mai ia'u nei te raau o tei hau i te maramara e tei hau i te taero i te fenua nei. A haere oe na te purumu au." Reva'tura te tavini piti, moe roa ihora oia i te atea.

Aita râ te Arii i faaite i to'na ra huiraaatira i to'na mana'o no tana tonoraa tavini ra. Tera râ, ua faaite atu oia e, e haaputu faahou ratou i te hora e hoi mai ai na tavini toopiti ra.

Mairi ihora na mahana e ho'i maira natavini toopiti ra. Haaputuputu faahou maira te mau taata tumu o te fenua ra.

Na ô atura te Arii, "O mea, te tavini matamua, a haere mai na i mua ia'u nei." Haere maira te tavini matamua e ua i roa to'na rima i te hoê huru tiare nehenehe roa ra. Tuu ihora oia i te mau tiare i raro, i mua i te aro o te Arii ra.

Na ô atura te Arii ra, "Aue! Eaha ra teie ta oe e afai mai nei?" Pahono maira te tavini, E tau Arii e, ua i roa to oe fenua i te mau tiare nehenehe. Aita vau i ite i te rahiraa o te mau tiare e vai nei i rotopu ia tatou nei."

Ui atura te Arii ia'na ra, "Eaha, aore anei e mau raau taero e te ino e tupu nei i to'u fenua?"

Pahono atura te tavini matamua, "E riro paha te vai noa ra, area râ aita vau i ite i tana mau huru raau ra, no te mea te imi ra vau i te mau tiare nehenehe." E i te faaotiraa te tavini matamua i ta'na parau e ta'na ohipa, faaue atura te Arii ra ia haere mai te piti o te tavini.

Tae maira te piti o te tavini i mua i te aro o te Arii ra e ua i roa to'na rima i te mau huru raau hupehupe, oia, ia, te raau maramara e te raau taero, e te mau huru aihere ino atoa ra.

Ui atura te Arii ia'na, "Eaha ta oe i ite?"

Pahono atura te tavini piti, "E tau Arii e, ua i roa to oe na fenua i te mau huru raau ino ana'e mai teie te huru."

Ui faahou atura te Arii ia'na, "Eaha, aita anei oe i ite i te tahi mau tiare nehenehe?"

Parau atura te tavini piti, "E riro paha te vai nei te tahi mau tiare nehenehe e te tahi mau raau maitai, area râ, aore au i ite i te hoê no te mea te imi noa ra vau i te raau taero e te nehenehe ore." E i te otiraa o ta'na parau, haere atura te tavini piti.

Hi'o atura te Arii ra i to'na mau feia ra, e ua haama roa ratou atoa ra. Haapii atura te Arii ia rator ia imi ratou i te maitai e te aroha tetahi i tetahi. *Tatarahapa ihora to'na mau taata ai'a, faarue ihora ratou i ta ratou mau pen ino, e maitai roa ihora ratou.

E imi, e itea ia outou Luka. 11:9.

E imi i te maitai, e ite ia outou i te maitai.

E imi i te ino, e i te ia outou i te ino.

E titau i te parau-tia, e ite ia outou i te parau-tia,

E titau i te hara, e ite ia outou i te hara.

E mata na tatou i te imi i te Basileia o te Atua e ta'na ra parau-tia ra, e amui-atoa-hia mai ia tatou te mau mea maitai atoa ra.

O teie te E'a Ora

Ua rahi te mau faaroo i roto i te a'o nei i teie nei mau mahana. tei faahapa te tahi i te tahi e te haapii nei te tahi o teie te e'a tei aratai atu i te ora mure ore. E te na o mai ra i te tahi. Eiaha e haere na tera purumu teie te e'a no te ora, No reira, eaha ta tatou ravea ia ite tei hea te parau mau, Te na o mai ra te parau papaihia i roto, Iakobo; 1:5-6. "Te ere ra ra te hoê o outou i te ite, e ani oia i te Atua ra, o tei horoa hua mai i te maitai i te taata atoa ra, ma te patoi ore; e horoahia mai ta'ua E ani ra oia ma te faaroo, eiaha e feaa, o te feaa ra, e au ia i te are miti i patuhia e te mata'i e fetoitoi a'era."

No reira, eaha te mea matamua e tia ia i te tatou i te parau mau? O teie ia, to faaroo? Mai te mea e, e faaroo to tatou e tai'o tatou i te reira parau, e haapao mai te au i te faauehia, oia hoi, e ani tatou na roto i te pure, ma te hinaaro mau ia i te te parau mau. Eiaha tatou e haama ia pure i to tatou Atua. Eiaha tatou e haama i te Evanelia a Iesu Mesia. Mai te au i te parau i papaihia i roto Roma 1:16.- "Aore hoi au i haama i te Evanelia o te Mesia ra, no te mea te mana ia o te Atua, ia ora te feia atea i faaroo ra, te ati Iuda na e te Heleni atoa hoi"- Te parau atu nei au ia ontou, na roto i te faaroo e te tiaturi, na tupu te mau hau e te mau patireia no te a'o nei. E. na roto i te faaroo ore na topa te tahi mau hau, e te tahi mau patireia.

E tupu to tatou faaroo, na roto i te pure e te haapao. Roma 10:17- "Na te i te maori e noaa'i te faaroo. e na te parau a te Atua i parauhia maira te i te,"

E te faaroo ore, e te pure ore, e te haapao ore, o te tumu ia na tau i te tahi mau apotetoro. No reira e mea papu roa aita te Atua i manruuru i te taata faaroo ore. Mai tei papaihia i roto i te Hebera 11:6 "Aore e faaroo ra e ore roa Oia e manruuru: O te haamuri i te Atua ra, e faaroo oia e, e Atua, e ti'a'i, e oia te faantua i te feia i imi papu Ia'na ra. area ra, aita ta tatou e ravea ia noaa mai te ora mure ore no roto i te faaroo. A tai'o tatou i roto Iakobo 2:14 "Eaha te faufaa, e au mau taeae, ia parau mai te hoê e, aore a'na e ohipa, e ora anei oia i te faaroo?" Aita roa, no te mea, haere tatou i raro e tai'o faahou i te irava 20 o Iakobo. "Ia i te mai ra oe, e tera ra taata mana'o ore e, o te faaroo aore e ohipa ra, e faaroo pohe ia." Mai te mea e, te tiaturi nei tatou e te ora nei te Atua, e haapao ia tatou i ta'na ra mau faaneraa.

E ua i te tatou, na rave tatou i te hape, e te tiaturi nei, te ora nei to tatou Atua, e imi tatou i te ravea ia faaore i taua

hape ra, e te ravea ia faaafaro ia tatou imua i te aro o te Atua. O te tatarahapa ia. Te tatarahapa ra, o te pitiia, o te parau rahi, o te Evanelia. I te taima ta Iesu i haere i Talilea ia poro haere i te Evanelia, o te parau no te tatarahapa ta'na i haapii atu i to'na ra mau taata.

Mareko 1:14-15. "Ia tapeahia râ Ioane, haere atura Iesu i Talilea i te parau haerea i te parau maitai o te basileia o te Atua. Na ô atura, na tae i te tau, te fatata mai nei te basileia o te Atua, a tatarahapa, a faaroo mai i te Evanelia nei."

E i te taima ta Iesu i maiti, i Ta'na mau apotetoro, na faane Oia ia ratou, ia haere e poro haere i te parau no te tatarahapa Mareko 6:12 "Haere atura ratou, a'o haere atura i te taata ia tatarahapa." Ia tatarahapa te taata eiâ, e aita tura i eiâ faahou, o te tapao ia e, ua tatarahapa mau oia. Ia tatarahapa mau te hoê taata eiâ, e ia hinaaro mau oia ia haapao i te mau faane a te Atua ra, Ua ineine ia tana taata ra no te bapetizoraa, o te bapetizoraa ra, o te nputa ia ia tomo te taata i roto i te ora mure ore. E te vai nei te hoê non'ihoravea maorira, ta Iesu i haapii mai. Ioane. 3:5. "Ua parau atura Iesu amene, amene, e parau atu van ia oe, Ia ore te taata ia fanau i te pape e te varua, e ore oia e ô i te basileia o te Atua ra.

Papaiahia e Bob McClellan

E Pororaa.


TE ani nei au i te mau Feia Mo'a no te mau Mahana Hopea Nei ia tura ratou i to ratou Metua i te ao ra, no te mea, ia haapao ratou i te ture e te faaueraa, e faarii ia ratou i te haamaitairaa. E te hoê ravea faahiahia no te faaôraa i te faaroo i te Evanelia a te Mesia, i roto i ta outou mau tamarii, teie ia, ia afaro to outou haerea i mua i te

aro o te Atua. E mea maere mau te taata tei noaa ia'na te
 îte no te mo'araa o te ohipa ta tatou e rave nei, ei Feia Mo'a
 no te mau Mahana Hopea Nei, te nehenehe i te haavare ia-
 na iho e te ore e aufau maitai i ta'na tufaa ahuru i te Atua.

E ore roa e tia ia'u ia haroaron i te hoê taata tei afaro ta'-
 na mau raveraa e te taata nei, e tei ore i tura i te aro o te
 Atua. Te tiaoro nei au i te mau taata atoa ia tia maitai i mua
 i te aro o te Atua, te parau atu nei au e, e faarii ratou i te
 hau e te manuia i roto i te ohipa, mai te mea ia haapao ra-
 tou, no te mea te faî nei ratou i te hoê ture, e ia tia maitai
 ratou i mua i te Atua te haapii ra ia ratou i te Evanelia i ta
 ratou mau tamarîi, ma te faahiahia.

Te ture no te manuia a te Feia Mo'a no te mau Mahana
 Hopea Nei, ma te parau faaau e te Atua. o te haapao maitai
 raa ia te ture ta te Atua i horoa mai i te taata nei, eiaha i te ma-
 nuia i te faitohia i te moni ana'e, noa'tu e e parau mau te
 reira; te mana'o nei râ vau i te hoê mea, tei hau atu i te
 mau mea atoa e te faufaa rahi na te mau tane e te vahine,
 oia hoi, te paari raa i roto i te îteraa i te Atua, e te mana ia
 ora i roto i te Evanelia e ia haapii i to tatou mau utuafare
 ia na reira atoa.

O te reira te faufaa tei hau atu i te maitai. *E mea au a'e*
na'u i te pohe i roto i te veve ma te îte e, e tia i to'u utuafare
ia faaite e ua haapao vau i te mau ture e te mau faauearaa a
te Atua, ma tau puai atoa e ua poro vau i te Evanelia na roto
i to'u oraraa, i te mau faufaa atoa o te ao nei.



Te Faaino i te Varua Maitai.

I Te taime to te mau Pharisea îteraa ia Iesu i te tia-varuraa i te demoni i rapae i te hoê taata i te mahana sabati, ua parau atu Iesu ia ratou: *E teie nei, e parau atu vau ia outou, E tia te mau hara atoa e te faaino a te taata nei ia faaore hia, e ita râ te faaino i te Varua Maitai e faaorehia E o te parau ino i te Tamaiti a te taata nei, e tia ia ia faaore i ta'na hara area te parau ino i te Varua Maitai ra, e ore ta'na hara e faaorehia, i teie nei ao, e ore hoi i te ao a muri atu Mataio 12:31-32.*

Eaha te VARUA MAITAI? Te Varua Maitai, o te hoê ia no te TORU-TAHI, e tino Varua to'na e e îte hoi Oia no te Metua e te Tamiti. Te Varua parau mau e te Haapii i te parau mau e te îte. Te ohipa a te Varua Maitai o te aratai ia i tei haapao e tei faarii ia'na, na roto i te tuuraa rima, i roto i te îraa o te parau mau e i te vahi faataahia no te taata parautia, i mua i te aro o te Atua. Ua au te Varua Maitai i te hoê mori maramarama rahi, ia haapao tatou i te ture o tana mori ra, ia vai noa te gaz mâ, i roto ia'na, eiaha te repo i roto i te mau auri, e haapao i te mau ture no te faarii raa e te faa-tereraa ia'na, e maramarama roa te purumu e haerehia e tatou. E horoahia mai te Varua Maitai i te mau taata tei faaroo, tei tatarahapa e tei haere i roto i te pape no te bapetizoraa, e e horoahia ia na roto i te tuuraa rima. E ia haapao maitai tana taata ra ia vai mâ noa to'na tino i mua i te aro o te Atua, e ia haapao oia i te mau ture ta te Atua i horoa mai ia'na, e tupu noa to'na maramarama, e e noaa mai ia'na te îte e te paari, e na te reira e haa parahi ia'na i mua i te aro o te Atua ra. *O te îte ra, o te hanaha ia o te Atua.*

Na roto i te Varua Maitai ua haapiihia te taata i te mau ohipa a te Atua, no teie ao e no te ao varua; na roto i te Varua Maitai e noaa mai i te taata tei i te papu, ma te feaa ore, i te mau ohipa atoa a te Atua.

Ia noaa mai i te taata teie mau mea, oia hoi, te i te papu i te Atua e Ta'na mau ohipa e i muri mai ua parau oia e, e haavare tana mau mea ra, tera ia te *Faaino* i te Varua Maitai e te tumu ia ua parau mai te Atua e: *Te parau nei te Fatu, no ratou tei i te To'u mana, tei riro ei feia i mau i te reira e o tei faatia ia ratou, ia rē na roto i te mana o te diabololo, e tei patoi i te parau mau e tei tuhi i To'u nei mana,--Oratou teie o te mau tamarii o te pohe, no ratou hoi au i parau atu ai e, e mea maitai a'e ahiri aita ratou i fanauhia; no te mea e faarii ratou no te riri, e e faarii ratou i te riri o te Atua, ratou o Satane e ta'na mau melahi e a muri noa'tu; o ratou ta'u i parau ra e'aore to ratou e haamatararaa hara i teie nei ao e i te ao a muri atu--ua huna hoi ratou i te Varua Maitai, o tei noaa hoi ia ratou, e ua huna atoahoi i te Tamaiti Fanau tahi a te Metua, e ua faasataurohia Oia e ratou i roto ia ratou iho, e ua tuuhia Oia ia vai haama noa na. B. F. 96:31-36.*

Ua parau faahou maira Oia. O te feia hoi i haamaramamahia, e ua i te horoa o tera'i ra, e ua noaa te Varua Maitai, e ua tamata i te parau maitai a te Atua ra, ua hi'o hoi i te mana o te ao a muri atu, e taiva e atu ra, e ore roa ia e tia ia faatupu faahou i te tatarahapa ia ratou: ua faasatauro faahou hoi ratou i te Tamaiti a te Atua, e ua faariro faaite noa ia'na ei faainoraa. *Hebela 6:46.* Ua na'o a toa maira o Petero: *E huru maitai a'e ratou a hiri eiaha roa ia i te parautia ra, eiaha ia i te ra a fariu e atu ai i te parau mo'a i tuuhia'tu ia ratou. II Petero 2:21.*

E ua parauhia te reira hara, e Ioane, i te *Hara pohe*. E oia mau te reira, e *Hara pohe* mau te reira, no te mea e faa-

tae mai te reira i te utua no te pae varua, e eita te taata tei rave i taua hara ra e tae faahou i te mau *Ao hopea ore*, i mua i te aro o te Atua, Te taata te rave i te reira hara, ua hoo atu oia ia'na iho, mai ia Kaina te huru, ia Satane: ua haere ê te Varua Maitai i rapae ia'na e aita e maramarama faahou e te haere nca nei oia mai te hoê taata i roto i te pouri te huru.

Eita roa oia i hinaaro i te parau mau, e mea hinaaro na'na te haavare e te mau ohipa ino, e e tae oia i te vahi eita e tia ia'na ia tatarahapa, i roto i teie nei ao e a ore ra i te ao i mua nei, e parahi noa oia i roto i te vahi pouri e te maniui rahi.

TE VARUA PARAU MAU

E MEA pinepine tatou i te faaroo i te parau no roto mai i te vaha o to te tabi mau haapaoraa ê, tei na ô mai e: *Tei ia matou te Varua Parau Mau, e na terci-ra e aratai ia matou na te e'a parau-tia.* Te na ô maira te tahi: *Ia faroo noa ia Iesu e faarii ratou i te iraa o te hana hana.* Area ra, noa'tu i ta ratou parau e i ta ratou mau haa piiraa, ua papaihia te hoê parau i roto i te evanelia a Ioane tei faahapa i ta ratou mau haapiiraa e to ratou tiaturiraa. Te na ô maira Iesu i ta'na mau Aposetolo na mua rii i to'na poheraa: *E rave rahi â ta'u parau i parau atu ia autou, eita râ e tia ia outou i teie nei.* Ioane 16.

E maere rii paha tatou i te mea e, aita te mau Aposetolo i îte i te auraa o te tahi mau mea ta Iesu i haapii ia ratou, no te mea ua haere ratou na muri Ia'na i to'na mau haereraa, e ua ite mata ratou i te mau Semeio ta Iesu i rave. A haamana'o ra tatou e, te Semeio no te haapapuraa i te pa-

rau mau, eiaha no te haapiiraa'itu. Ua tia ia roaa mau ia ratou i te ite, no te Evanelia, na roto i te faaroo, mai ta Paulo i parau mai: *E haerea faaroo hoi to matou, e ere i te haere ite mala. Korinelia 5:7.* Ua pee te mau Aposetolo ia Iesu, no te mea na ite mata ratou Ia'na, eiaha no te ratou faaroo Ia'na.

Ia mahiti mai te hoê tamarii no roto mai i te haapiiraa teitei, e mea tia ia haamata oia i roto i te haapiiraa haehaa e haapii e e tamau i te mau haapiiraa no taua haaapiiraa ra. Ia pauma tatou i te e'a, ia haamatabia ia na te taahiraa matamu a e tae noa'itu i te hopea. O teie te e'a i haerehia e te mau Aposetolo, ia roaa mai ia ratou te mau mea no te Basileia, no te mea i te taime ta Iesu i maiti ia ratou ei Aposetolo, e ere ia ratou i te mau taata paari. Ua haapii Iesu ia ratou, ta tufaa, e ua faataa maitai. Oia i te reira e te Semeio, e noa'itu ite reira, te tahi mau mea ta Iesu i haapii ia ratou, aita roa ratou i ite i te auraa. *Te haapii ra hoi Oia i ta'na mau pipi, te na ô atura ia ratou, Ua tuuhia te Tamaiti a te taata nei i te rima o te taata, e e taparahi pohe roa ratou Ia'na; e ia oti i te taparahihia ra, e tia faahou ia Oia i nia i te rui toru ra. Aita râ ratou i ite i te auraa i taua parau ra, e i mâta'u hoi ia ui atu Ia'na. Maleko 9:31-32.*

Na teie parau i haapapu mai ia tatou e, aita ratou i ite i te auraa o te tahi mau parau a Iesu, e tae noa'itu i te tia-faahouraa o Iesu, i te taime Oia i fâ mai ai ia ratou, aita roa ratou i mana'o na tia faahou o Iesu; na mana'o ra ratou e, e Varua Oia, e tae noa'itu i te taime na ite ratou i te puta i to'na avae e i to'na rima e ua tamaa Oia i pihaiho ia ratou. Luka 24:36-45.

Noa'itu e, aita ratou i ite i te mau mea ta Iesu i haapii mai ia ratou, aita roa Oia i vaiiho atu ia ratou i roto i te poiri, na parau Oia ia ratou: Ia tae mai râ te Faavae'o no ô mai i te

Metua ra na'u e tonono mai, o te Varua parau mau no ô Oia i te Metua ra, na'na vau e faaite. Ioane 15:26, Na te Faaa'o e faatamanu i te mau mea haapiihia e e haapii faahou â i te mau parau mau tumu. Ia tae mai râ te Varua parau mau ra, na'na ia e aratai ia outou i te mau parau mau atoa ra, e ore hoi Ta'na parau e riro Na'na iho: Ta'na râ i faaroo ra, o Ta'na ia e parau mai, e Na'na hoi e faaite mai ia outou i te mau mea e tupu a muri atura. Ioane 16:13. Na te Faaa'o e aratai ia ratou i roto i te îraa o te parau mau e e faaite ia ratou i te mau mea tei ore i tupu ra.

E tupu paha te hoê uiraa i roto i to tatou mana'o e, Eaha te îraa o te Parau Maa? Na te Buka Fafau e tatara mai i te reira. *O te Parau Maa ra, o te îte ia i te mau mea e vai nei, te mau mea tei vai na, e te mau mea atoa o te tae mai.*

Ua îte tatou e, e mea tia ia îte te mau Aposetolo i te mau mea hohonu no te Ohipa a te Atua, e nahea te haapiiraa'tu ia noa te îte ia ratou. Na te Peropheta ra na Isaia e haa maramarama mai ia tatou i taua vahi ra. *O vai te îte ia ratou? e noaa ia vai te îte ia ratou? e ua îte te tamarii rii i mairi te â ra, e tei ore i horoahia te â ia ratou. Ua faaue e ua na nia iho i te faaue, ua faaue e ua na nia iho i te faaue: ua a'o e ua na nia iho i te a'o, ua a'o e ua na nia iho i te a'o: te tahi vahi iti i o nei, e mai reira hoi ei o te tahi vahi iti.* ISAIA 28:9-10.

Ua haapiihia ia, ia mairihia te â, oia hoi, ia bapetizohia na roto i te i'oa o Iesu, e te hoê tei ia'na te mana, e ua farii mai i te Varua na roto i te tuuraa rima, e ia oti te reira mai te au i te parau a Paulo: E teie nei, e vaiho noa"e na i te parau matamua o te Mesia ra. e haere â tatou i mua i te paari mau ra: eiaha râ ma te haamau faahou i te tumu o te tatara-hapa i te ohipa pohe e te faaroo i te Atua ra. Hebera. 6.1.

E horoa mai anei te Atua, e a ore ra, te Varua Parau Mau i te ite e te paari, ia ore ratou e rave i te ohipa e e imi i te reira ra? Na ô maira te Peropheta ra o Iosepha Semita: Iraha, aore hoi i maramarama ia oe: ua mana'o ce e e horoa i o-a'tu vau ia oe, ia ore noa'tu ta oe e haamana'o e, maori râ ite ani mai ia'u, area, inaha, e parau atu vau ia ce, e imi ce i te reira i roto i to oe aa; ei reira oe eui mai ai ia'u e ua tia anei, e mai te mea e, ua tia ra, e faatupu ia vau i te ahu i roto i to oe ouma, e na te reira e faaite ia oe e ua tia. Ia ore râ ia tia e ore ia mau huru e iteahia ia oe, e faatupu tiaruhihia ra. e na te reira e haamoe i te vahi hape: no reira. e ore e tia ia oe ia papai i te mea mo'a, maori râ ia horoahiatu e au. B. F.9:79. E ua ite au, o Ioane e aore i roaa ia'na te iraa i te matamua ra, te noaa aroha râ o te aroha; e aita atoa i noaa ia'na te iraa i te matamua ra, ua haamau noa râ i te aroha no te aroha e e ia taeahia e a'na te iraa. B. F. 93:11-13. E ua parau mai o Paulo:

"Tei reira hoi te parau-tia a te Atua i te faaroo i te faaiterahia mai ei faarooraa, mai tei papaihia ra e, Te feia parautia i te faaroo ra, e ora ia. Roma 1:17.

Te Varua Parau Mau, e ere ia na te man Aposetolo ana'e, na tatou atoa ra mai te au i ta Petero i parau, i te man taata, i te mahana o te Penetekose, Ua parau atu oia ia ratou, ia tatarahapa e ia baptizohia e horoahia mai ia te Varua Maitai. E ua parau faahou oia e: E tatarahapa, e ia baptizohia outou atoa i roto i te i'oa o Iesu Mesia ia matara te hara, e horoahia mai ia te Varua Matai. No outou hoi tei parauhia maira, e noto outou man tamarii, e no te feia atoa hoi i te atea e ra, ta te Fatu ta to outou Atua e parau atu. Ohipa. 2:38-39.

Ia imi tatou i te parau mau, i teihea vahi e faufaahia'i tatou? E roaa mai ia tatou te iraa o te mana mai tei faaitahia i muri nei: Te feia atoa râ i ite atu ia'na i te faaroo-

raa i to'na ra i'oa, homai ra oia i te mana ra ia ratou ei tamarai na te Atua, Ioane 1:12. Aore hoi e mea tapao'ihia; e e ore e faaitehia; aore e mea moe, e ore e itea Luka, 12:2.

Tei te EKALESIA A IESU MESIA I TE FEIA MO'A I TE MAU MAHANA HOPEA NEI te Varua Parau Mau, e e na roto i te reira te haapiihia nei te Evanalia a Iesu Mesia, e te hinaaro nei te EKALESIA ia aratai i te mau TAMARII A TE ATUA i roto i te maramarama.

EITA TE TAATA E FAAORA OIOI HIA HOU TE NOARAA IA'NA TE ITE. TE HANAHANA O TE ATUA, O TE ITE IA.

Te Imi Nei Anei Outou I Te Maramarama?

I Na tau i mairi a'enei ua tae to'u maua'o i nia i te hoê parau tei tae mai ia'u tei na ô mai e: Ua hi'ovau i te mau mea atoa e ua ite au e, aita te îraa o te mana e te îraa o te parau mau e vai nei i roto i te Feia Mo'a no te mau Mahana hope nei. Eaha te huru o te mana ta'na i hinaaro i te parau? Te mana anei no te Autahua'raa Mo'a? Mai te mea te vai ra te Autahu'araa Mo'a i te hoê Ekalesia, eita anei oia e haapapu i taua parau ra e faaite i te reira i te mau taata atoa te vai i te vahi tei reira ta'na faatereraa?

Ia tia ia parau ma te mana o te Atua, e ere anei i te mea tano ia parauhia te taata e te Atua, e ia faatoroahia oia e te hoê taata tei ia'na te mana, oia hoi, tei haamanahia e Ana i taua maua ra?

Aita nei i na reirahia no te mau taata i maitihia e te mau Aposetolo? (A hi'o na i te Ohipa 6:5-6; 13:1-3; 14:23; I Timoteo 2:7; 4:14) No to Iesu faatoroaraa i te mau Aposetolo, na faaitihia te reira i roto i te Faufaa Api (Mareko 3:14; Luka 10:1; Ioane 15:16.) Te vai nei te mana, i te Autahu'araa Mo'a, no te raveraa i te mau ohipa a Iesu e i roto i to'na io'a, e o tana Autahu'araa ra te hoê mea tumu no te Ekalesia a Iesu Mesia i te Feia Mo'a no te mau Mahana Hopea nei. Na tana Autahu'araa ra e haamana i te mau ohipa atoa i roto i te Ekalesia. Ahiri aita te Autahu'araa na riro ia te Ekalesia ei amuiraa tei faatiahia e te rima taata ana'e. Ua taa te reira i te mau Feia Mo'a atoa.

Te mana'o nei te taata tei papai i te rata ta'u i parau a'e nei e, aita te iraa o te parau mau e vai nei i te Ekalesia. Ua farii mau hia te reira e ua faaito roa hia atoa. I roto i ta matou mau Hiro'a Faaroo, aita anei i parauhia: Te faaroo nei matou e, e heheu mai â te Atua i te mau parau rarahi no nia i te Basileia o te Atua.

E rave rahi te mau mea, tei papaihia i roto i te mau parau mo'a, tei ore i haro'aro'a maitaihia e tatou, oia hoi te tia-faahou-raa o te tino nei. Aita â i taa ia tatou te ravea e riro ai te hoê tino tahuti ei tino tahuti ore. Aita â te Atua i heheu mai i tana ite ra, e te vai miterio noa ra tana ravea ra ia tatou.

Aita te Ekalesia e parau nei e, na ere te mau Haapaoraa Cheresitano atoa i te paran mau.

Te parau nei matou e, e tufaa te parau mau no te opuaraa a te Parau Mau atoa.

E parau mau te parau mau i te mau vahi atoa e ite hia'i oia, noa'tu no hea mai oia, no te Ra'i mai, no roto mai i te piha ohiparaa o te taata paari, no roto mai i te feruriraa o te

taata mana'o hohonu, te ite o te taata imi e a ore ra na roto i te ite i noaa mai i te taata atoa nei. E tufaa ia no te tino o te Parau Mau e o te parau mau oia na te Atua. E te rahi noa nei te tino o te Parau mau te itehia nei ia e te taata nei. Aita roa i parauhia e, tei te Ekalesia te îraa o te parau mau. O te Ravea no te Ora — te Evanelia a Iesu Mesia — ta te Ekalesia e parau nei tei ia'na te vairaa, area ra aita roa'tu i anihia i te hoê a'e taata ia farii i taua faaiteraa ra ma te mata po.

Na mua i te mau mea atoa, e anihia te taata ia haapii maitai, ma te aau tae, te mau parau atoa e haapiihia e te mau Peresibutero no te Ekalesia, ia imi maite ratou ia itehia ia ratou te mau mea tei faaite mai e, e parau mau taua mau haapiiraa ra e rave ratou i te mau ravea atoa tei haapaohia e te Fatu ia roaa mai te ite. Ua urû mau hia te Aposetolo ra o Iakobo a papai ai oia e, : Te ere ra râ te hoê o outon i te ite. e ani oia i te Atua ra, o tei horoahua mai i te maitai i te taata atoa ra, ma te patoi ore; e e horoahia mai ta'na. Iak. 1:5. Ua faaite atoa o Iesu iho i te ravea no te iteraa e, e parau mau anei ta'na e haapii ra, a parau ai oia e, O tei hinaaro maite i te haapao i To'na ra hinaaro, (to te Metua) e ite ia oia i ta'u e haapii nei, na te Atua anei e a ore ra te parau ra vau na'u iho. Ioane 7:17.

Nahea ia outon e ite ai? Mai ia Petero a parauhia'ie; O vai au, te Tamaiti a te taata nei, i ta te taata nei parauraa?

Ua parau maira Simona Petero, na ô maira: O te Mesia oe, te Tamaiti a te Atua ora ra. Ua parau atura Iesu ia'na, na ô atura: E ao to oe, e *SIMONA BARE-IONA*, e ere ta te taata i faaite mai ia oe i te reira, na tau Metua râ i te ao ra. *Mat. 17:13-17.*